

城口廳卷之十三

兵營志

觀地水之象因井田以制軍揚弧矢之威緣田獵以講武戎兵之政司馬掌之凡以備非常戒不虞也然古者寓兵於農居則爲比閭族黨之衆出則爲從王敵愾之人有兵之實而無兵之名焉自漢置材官於郡國唐設府兵於各道宋制禁軍之外復有廂軍鄉兵明建五軍督府又設都司衛所兵營之制代各不同

皇朝戡定寰區統馭中外分設重鎮並置邊防兵制森嚴營規整肅城口界連三省隘守一隅緝盜詰奸尤資彈壓蕩平教匪以後始立都司專營誠重任也果其肅爾軍容嚴其約束勤訓練之方善汛防之法以作保障以備干城庶不負

國家設兵衛民之意矣志兵營

兵營

舊志明制太平原設民兵一百五十名又戍守口兵二百名明通巡檢弓兵五十名以土人守土文職督理

國朝順治六年設立太平營汛

屬夔協鎮 雍正八年改隸

分防城口汛把總一員帶馬步戰守兵三十名

分防明通井汛外委于總一員帶馬步戰守兵十

七名

分防桃花洞汛外委把總一員帶馬步戰守兵十

城口廳志

卷十三

兵營

七十三

七名

城口營嘉慶八年新設太平協左營十四年太平

改協為營立城口為專營屬綏定協道光十九年

綏定協裁仍隸川北鎮

額設都司一員 存城領哨千總一員

存城領哨外委一員 雙河口汛左司把總一員

黃墩汛右司把總一員 雞鳴寺汛外委一員

后坪汛外委一員 嵐溪汛額外一員查此汛向

屬私設於道光二年改設廳治將該汛詳報咨部在案

額設馬步戰守官兵四百零四員名內除嘉慶十四年裁退馬兵五名戰兵二十名守兵七十五名共一百名撥歸綏定右營嘉慶二十一年奉文裁汰匠役守兵七名道光十一年奉文裁撥回疆戰兵三名守兵三名十五年奉文裁撥峩邊戰兵四名守兵七名十九年奉文裁撥馬邊守兵九名屏山茨竹坪戰兵十名二十二年奉文裁撥天津戰兵一名守兵一名實在城口營現額馬步戰守官兵共二百五十九員名

附錄改設營制原案

嘉慶六年爲遵

議奏事參贊大臣德楞泰等籌辦川省善後事宜添改營制案內太平改營爲協將太平營原設都司一員竝添設千總一員把總二員馬戰守兵四百名移駐城口作爲太平協標左營

嘉慶十二年爲遵

議奏事西安將軍德楞泰等奏請將從前會籌善後事宜現在體查情形必須調劑案內奉文將移駐

城口之太平協標左營改爲協屬分營

嘉慶十四年爲遵

旨議奏事四川總督勒保提督豐紳會 奏綏定地方
緊要酌改營制案內奉文裁撥馬戰守兵一百名
分歸綏定其餘弁兵照常駐守改歸綏定協統轄
作爲城口專營

嘉慶十五年七月二十日奉

上諭前因嘉慶七年勦辦邪匪大功告蕝經額勒登保
等奏川楚陝三省深山老林路徑分歧酌議每年總

城口廳志

卷十三

兵營

七十五

兵會哨二次提督會哨一次三年之後地方日臻寧
謐即行停止當經降旨以所議會哨之例於三年後
不必停止或隔年一行或隔二年一行認真巡緝今
已逾數年雖各營有巡閱舊章但恐視爲具文奉行
故事嗣後川楚陝三省每年輪派一省提鎮著於邊
界遍歷周查既可巡閱營伍又可藉資彈壓每巡哨
一次即行具奏該提鎮等惟當隨時隨地督率稽查
不可有名無實欽此

嘉慶十六年七月初二日奉

上諭御史韓鼎晉條奏請核戎政以歸實效一款據稱近京各省軍政尚修遠省每視爲具文即如川省歷年兵額缺多虛懸上下通同侵蝕兵餉從前有事勦捕及大員閱兵率皆臨時募充等語國家設立營伍給予餉糈以資干城之衛此全在各該督撫提鎮等平時實力訓練俾人人技藝嫻熟而尤須認真查點足額無虧設一兵即得一兵之用方足以杜虛糜而收實效今據稱四川一省竟有冒支虛糧之事恐他省亦所不免著各直省督撫等適時嚴密查核務期

兵充實額餉歸實用倘有虛捏冒領情弊該督撫等徇庇容隱不行參奏一經查出即將該督撫等一並嚴懲至武員專以嫻習弓馬爲事何得耽逸忘勞乃據該御史稱川省參遊都守等官近多乘坐大轎費用侈靡尤爲詫事該武員等所得餉項無多何能供其揮霍其有侵扣情弊已可概見前歲慶惠前赴西藏以欽差二品大員違例乘轎經朕查出尚經加以懲處况該武員等竟敢恣意妄爲罔顧國家體制耶此時該武員等如有乘轎等事著該督撫等即行指

名嚴叅懲辦若有徇隱□□別經叅劾亦惟該督□
等是問又據稱川省陣亡兵丁子孫應得賞卹銀兩
該將弁等往往刁難不發竝假名扣存作爲營中公
項實則任意花銷已多虧缺等語現在四川及陝楚
各省如有從前陣亡子孫未領賞卹銀兩者著該督
撫等嚴飭該管將弁會同道府等官訪查確數按名
親給母任影射捏冒致有虛糜又所稱各州縣分汛
千把外委原以協同彈壓而川省汛弁竟至干預地
方公事亦屬大千例禁竝著各直省督撫等一體飭

禁以清積弊而肅戎行將此通諭各直省督撫提鎮
等知之欽此